

Slijedeći savremene tendencije u razvoju javne uprave, potrebu da se kvalitet ljudskih i ostalih upravnih resursa stalno unapređuje u skladu sa zahtjevima autentičnog bosanskohercegovačkog prostora, izazovima priključenja evroatlanskim integracijama i ostalim tranzicijskim izazovima, s ciljem uspostavljanja efikasnog javnog upravnog servisa sposobnog da odgovori interesima građanstva i drugih zainteresiranih subjekata, jačanja saradnje visokog obrazovanja i tržišta rada te saradnje sa institucijama posvećenim navedenim principima i ciljevima, doprinoseći realizaciji koncepta cjeloživotnog učenja kao trajnog opredjeljenja, Fakultet za javnu upravu kao pridružena članica Univerziteta u Sarajevu (U daljem tekstu: Fakultet), kojeg zastupa dekan prof.dr. Nusret Mujagić i i Agencija za državnu službu FBiH (u daljem tekstu: Agencija), koju zastupa direktor Sead Maslo zaključuju

MEMORANDUM O SARADNJI

I

Fakultet i Agencija će, u skladu sa utvrđenim potrebama, vlastitim misijama i razvojnim vizijama utvrđivati, realizirati i konstantno zajednički unapređivati oblasti i praktične modele međusobne saradnje, polazeći od gore navedenih ciljeva, potreba i zahtjeva.

II

U realizaciji ovog memoranduma Fakultet i Agencija će, prema vlastitim mogućnostima, razmjenjivati kadrovske i edukacijske resurse te uspostaviti modele konstantne razmjene informacija od zajedničke koristi.

III

Realizacija saradnje Fakulteta i Agencije odvijace se kroz odgovarajuće, zajednički utvrđene, praktične oblike:

- učešće nastavnog i naučnog kadra, saradnika, studenata i članova alumni – asocijacije Fakulteta u edukacijskim i drugim dešavanjima sa posebnim naglaskom na obuke, koje organizira Agencija, a od interesa su za unapređenje obrazovnog procesa na Fakultetu i realizaciju zajednički utvrđenih koncepata i ciljeva te učešće predstavnika Agencije na sličnim dešavanjima koje realizira Fakultet, kao i u nastavnom procesu,
- obostranu razmjenu informacija stručnog, naučnog i istraživačkog značaja te, u skladu sa mogućnostima, organizaciju i realizaciju zajedničkih edukacijskih programa,
- transfer znanja, iskustava i dobrih praksi kroz uključivanje zainteresiranih predstavnika Agencije u izmjene, dopune i razvoj nastavnih planova i programa na Fakultetu,

- informiranje stručne, naučne i šire javnosti objavljivanjem stručnih i naučnih radova u časopisu „Uprava“,
- uspostavljanje i realizaciju i drugih oblika saradnje u skladu sa misijom, vizijom i drugim okvirima na obostranu i općedruštvenu korist.

IV

Fakultet i Agencija će za realizaciju navedenih i drugih oblika saradnje imenovati predstavnike u skladu sa prirodom oblasti u kojoj se saradnja realizuje, a evaluacija saradnje vršiće se najmanje jednom u toku akademske godine.

V

Memorandum, kao opći okvir saradnje Fakulteta i Agencije, primjenjuje se počevši s danom potpisivanja.

Sporazum se potpisuje u 6 primjeraka, po 3 za svaku od strana potpisnica.

ZA: DEKAN FAKULTETA



Doc.dr. Amina Hadzibegić-Bicciato

Prodekan za nastavu



DIREKTOR AGENCIJE



Sead Maslo, dipl.iur



01-34-7 - 33/12

Sarajevo 26.01.2012

U Sarajevu, 26.1.2012. godine
Djelovodni broj: 65/12